

龍共芝林麝香嚴齋詞

吳江徐氏刊本

述菴署卷



序

詩能窮人非篤論也至于詞尤不然花間蘭畹所
載和凝韋莊馮延巳之流皆一時卿相而謁金門
小重山諸闋傳爲佳話要其人不足道也宋子京
紅杏枝頭晏同叔桃花扇底草堂鉅公並豔千古
矣更有進者以寇平仲之剛而曰柔情不斷如春
水范希文之正而曰眷間心上無計相迴避歐陽
永叔之忠而曰無人說與相思近日帶圍寬盡三
公名垂宇宙不以類其白璧由斯以譚豈惟詞不
能窮人殆達者而後工也廬江龔芝麓先生天下

仰之如高山大河其勲業在臺閣之上而作爲詩
歌流播于騷人墨士之口下至填詞小伎疑不屑
以爲乃尊前馬上往往寄興及之向有白門綺幟
膾炙齒牙今松陵徐電發彙刻其香嚴齋三十二
芙蓉集受而讀之如名香美錦郁然而新詞人冠
冕無踰公者以視花間蘭畹諸子直發蒙振落耳
世人論詞輒舉蘇柳兩家然大蘇瓊樓玉宇高處
不勝寒神宗嘆爲愛君而柳七曉風殘月有登溷
之譏至太液波翻忤旨抵地而罷何遭遇之懸殊
耶予謂二子立身各有本末卽詞亦雅俗各別東

坡柳綿之句可入女郎紅牙使屯田賦赤壁必不
能製將軍鐵板之聲也先生之才庶幾着山而境
地過之矣豈三變所敢望哉太史公傳畱侯以爲
其人計魁梧奇偉至見其圖狀貌乃如婦人好女
今公之魁梧奇偉予固得而識之及觀其詞則如
花間美人更覺斌媚吾益無以測之矣
康熙壬子花朝後一日長洲後學尤侗拜謨



敘

聞之離騷者三百篇之變也詞者樂府之變也自古賢人君子忠君愛國不得申其志則托喻香草寤思美人猶有溫柔敦厚之遺唯詞亦然故稱爲騷之苗裔然騷以奇放揚厲爲工詞以流暢婉麗爲美則時之升降係之矣芝麓龔先生以詩鳴海內者幾三十年青蓮之壯浪縱恣少陵之沉鬱頓挫無不兼之出其馱餘而爲詞字必色飛語必魂絕含柳吐秦提辛攀李駸駸乎駕渭南睂山山谷而上焉人或謂先生身爲大臣首繫天下蒼生之

望于經濟理學諸書宜殫心竭思以爲一代大儒之所本何乃畱情風月放懷尊酒與文人豪士較短論長于聲曲之間乎不知先生忠君愛國亦有時不得申其志則悉于詞焉發之一唱三歎有餘音者矣酒闌燭跋撫今追昔有不禁涕下闌干者矣情者性之餘也詞者詩與騷之餘也韓魏公作點絳唇有亂紅飄砌之句而其意則在武陵凝睇人遠波空翠也范希文作御街行有看間心上之語而其意則在玉樓簾捲天澹銀河垂地也先生之詞何以異是若徒舉花影郎中紅杏尚書以頌

先生淺之乎窺先生矣又何以知先生之詩哉會予門士徐子電發梓先生三十二芙蓉詞竣將持是集以謁先生爲言其大略如此

康熙歲次壬子花朝吳門後學宋實穎題于小山雲之老易軒



香巖齋詞目錄

盧江龔鼎孳撰

東風第一枝 一調

誤佳期 一調

鵲橋仙 一調

杏花天 一調

驀山溪 一調

惜奴嬌 一調

西江月 一調

十二時 一調

西江月 一調

減字木蘭花 一調

薄倖 一調

好事近 一調

風流子 一調

浪淘沙 一調

眼兒嬌 一調

浣溪沙 一調

長相思 二調

小重山 一調

浪淘沙 一調

浣溪沙 一調

念奴嬌 一調

蘭陵王 一調

祝英臺 二調

風中柳 一調

賀新郎 一調

玉女搖仙珮 一調

念奴嬌 一調

菩薩蠻 一調

臨江仙 一調

玉燭新 一調

萬年歡 一調

綺羅香 一調

石州慢 一調

望海潮 一調

蝶戀花 一調

如夢令 一調

一落索 二調

滿庭芳 一調

菩薩鬘 一調

小重山 一調

鐫陽臺 一調

西江月 一調

蝶戀花 一調

清平樂 一調

點絳脣 一調

桃源憶故人 一調

虞美人 一調

臨江仙 一調

蘇幙遮 一調

誤佳期 一調

菩薩蠻 一調

浪淘沙 一調

水調歌頭 一調

醜奴兒令 四調

燭影搖紅 一調

菩薩蠻 二調

畫堂春 一調

念奴嬌 二調

滿庭芳 一調

如夢令 二調

風流子 一調

踏莎行 一調

大酺 一調

臨江仙 一調

南鄉子 一調

杏花天 一調

昭君怨 二調

醉落魄 一調

品令 一調

木蘭花慢 一調

南柯子 二調

雙調望江南 二調

陽浦蓬近拍 一調

東風第一枝 一調

浪淘沙 一調

雨中花 一調

掃花遊 一調

雙調望江南 一調

滿江紅 一調

念奴嬌 一調

高陽臺 一調

燭影搖紅 一調

青玉案 一調

薄倖 一調

滿江紅 二調

滿庭芳 一調

鑠寒窓 一調

阮郎歸 一調

點絳脣 一調

水龍吟 一調

杏花天 一調

念奴嬌 一調

惜餘春慢 一調

齊天樂 一調

醉蓬萊 一調

醜奴兒令 二調

天仙子 一調

望海潮 一調

琵琶仙 一調

驀山溪 一調

滿江紅 一調

齊天樂 一調

賀新郎 一調

滿庭芳 一調

採桑子 一調

菩薩蠻 一調

西江月 一調

念奴嬌 一調

沁園春 六調

賀新郎 三調

菩薩蠻 一調

滿江紅 二調

菩薩鬘 二調

香嚴齋詞目錄 終

吳江徐錫
庫發校鐫

香嚴齋詞話

彭羨門 孫適

曰長調之難于小調者難于語氣貫

串不冗不複徘徊宛轉自然成文今人作詞中

小調獨多長調寥寥不槩見當由興寄所成非

專詣耳唯龔中丞芊綿温麗無美不臻直奪宋

人之席熊侍郎之清綺吳祭酒之高曠曹學士

之恬雅皆卓然名家照耀一代長調之妙斯嘆

觀止矣

王西樵 士祿

曰合肥流水青山送六朝才子語其

年浪捲前朝去英雄語

毛大可牲曰合肥長短調都入選本未見專集茲
得徐子電發搜採校錄人爭喜其詳備至句香
字艷直逼花間尊前故當僉父辛劉衙官秦柳
王阮亭士禎曰雲間數公論詩持格律崇神韻然
拘于方幅泥于時代不免爲識者所少其于詞
亦不欲涉南宋一筆佳處在此短處亦坐此合
肥乃備極才情變化不測婁東驅使南北瀾翻
泉湧安貼流麗正是公歌行本色要是獨絕不
似流輩擗捨稼軒如宋初伶人謔館職也友人
中陳其年工哀艷之詞彭金粟擅清華之體董

文友善寫閨襜之致鄒程村獨標廣大之稱僕
所云近愧真長矣

吳弘人

兆寬

曰長洲吳秀才虞升

藹

詩才清麗每

誦合肥詞輒爲掩抑怊悵曰某所不能竟者尚
書和其年數闕如君袍未錦我髻先霜等句令
人感涕故知憐才一念使窮簷下士動色拊心
宜電發徐子搜刻先生尊前酒邊之作手自校
讐廣爲流播也

鄒程村

祇謨

曰余常與文友論詞謂小調不學花
間則當學歐晏秦黃花間綺琢處于詩爲靡而

于詞則如古錦紋理自有黯然異色歐晏蘊籍
秦黃生動一唱三嘆總以不盡爲佳清真樂章
以短調行長調故滔滔莽莽處如唐初四傑作
七古嫌其不能盡變至姜史高吳而融篇煉句
琢字之法無一不備今惟合肥兼擅其勝正不
如用修好入六朝麗字似近而實遠也

顧茂倫

有彥

曰合肥先生詩歌風彩峻拔其古體

咀嚼三謝近體馱飫少陵而展卷千言傍觀者
往往奪氣可謂詩豪矣溢爲小詞聲調逸秀綺
綴精密足使淮海變色屯田失步余友薛子國

符稱先生學博詞曠才敏思新蓄之海滙發也
雲蒸信哉

陸孝山

世楷

曰昔楊用修評陸放翁詞云纖麗處

似淮海沉雄處似東坡予謂合肥先生能撮有
其勝

計甫草

東

曰當今才位德望若合肥龍松先生可

謂盛矣擬之前哲庶幾韓范歐富之儔至其憐
才好士汲引寒峻一往深情久而彌摯恐當日
范之於李泰伯富之於邵堯夫不過是也丙午
夏東從先生于中州見其與梁苑侯徐諸公文

酒唱酬歡若貧交歎爲盛事辛亥春初雪夜門人徐釳從旣庭許携先生詞藁來讀其與我友陳其年兄弟往復贈答諸作至性沈鬱壯采激越爲之踊躍爲之黯然嗟乎以其年之才淪落爲老諸生亦窮矣然得知已若先生一人雖窮何憾或曰范能薦泰伯以茂才官助教富能令堯夫由布衣授推官今此等事不易得則時命爲之也

許竹隱虬曰合肥夫子詩滿天下江左大家中略出一二膾炙海內衣被千秋矣亥冬訪顧子茂

倫吳子海序上下今古間適吾門電發徐子携夫子三十二芙蓉詩餘至讀之嘆未曾有心魂繫之近代篤於言詩不及詩餘其中有所未足也菩薩蠻一闋不昉自青蓮乎少游變爲稼軒亦猶正風變風代有作手實詩所不能盡者詞足盡之詩所足盡者詞又能不盡之詞所以畱人心坎間而不去也今試陳此編細繹之若者合於風若者合於雅若者合於頌則詩之不可無詞猶詞之不可無詩而已矣吾兄子位聞余說而然之敬述臆說質諸吾兄子位吾兄曰然

遂綴簡末以望陶鑄云

趙山子

澧

曰詩餘樂府之遺也世當淳古下有元

聲里巷歌辭皆叶宮徵故成周國風可被管絃
漢時郊祀房中之外別有饒歌辭如雉子班朱
鷺芳樹臨高臺等篇皆樂也蘇李創爲五言詩
乃與樂二然子建怨歌七解爲晉曲所奏如橫
吹相和平調清調清商楚調六朝並用陳隋作
者亦擬爲之無如詞勝而律乖矣貞觀開元天
子皆工詩而審音李白清平調王維鬱輪袍實
爲詞曲標題之祖一時名人才士微吟短章旗

亭伎女咸能唱嘆蓋律與詞諧誠甚盛也宋初
周待制領太晟樂府比切聲調十二律柳屯田
增至二百餘然亦有昧于音節如蘇長公猶不
免鐵綽板之譏今宗伯合肥先生以調元而典
樂其閒情逸藻間爲詩餘發妙旨于律呂之中
運巧思于琯尺之外醇雅而玉婉麗而正鼓吹
衆籟節宣天和俾元聲直婉隆古豈止隔墻紅
杏爭尚書學士之纖長者耶詩與樂合文與律
均其在斯編矣

沈雲步

攀

曰筆花四照一字移動不得置之秦柳

集中直使前無作者

喻非指指曰合肥詞于冰心鐵骨中饒玉艷珠鮮
之致信乎梅花一賦不獨宋廣平也

香嚴齋詞

長安鄧振鐸詩子也

廬江龔鼎孳撰

東風第一枝

樓晤用史邦卿韻

鳳絡霞絨蓮鋪金索橫橋檀霧吹暎玉奩半嬾春
妝一笑上樓人淺朱衾畫幔緊圍定夢愁心軟自
題名年少多情不及杏梁朝燕雲母閣主司青
眼團扇第書生覲面醉扶壁月飛瓊鎖合柳烏小
苑珊瑚聯枕楚雨逕神峰如線愛紫蘭報放雙頭
恰好阮郎初見

誤佳期同前

香定剪風羅幙客踐籠燈芳約紅綃沾酒下簾時
失記登樓作 狂枕玉簫眠軟絆金蟲落掃眉才
子賦多情可是憐輕薄

鵲橋儂

同前

用向薌林七夕韻

紅牋記注香糜勻染生受綠蛾初畫挑琴擘阮太
多能自寫影養花風下 月低金管帶飄珠席兩
好心情難罷芳時不慣是烏啼願一世小年爲夜

杏花天

同前

媽香院落蓮釘扣言結陣都梁彈袖濃絲麗玉春
風守團定蓉屏粉肉 搓花瓣做成清晝度一刻

翻愁不又今生誓作當門柳睡軟粧樓左右

驀山溪

送別出關已復同返韻

用周美成

清波桃葉幻出劉郎路兩槳載鴛鴦透金鎖重城
幾處低幃促坐長似玉牕西行不得且雙歸蛺蝶
香中忒 重來門巷盡日飛紅雨消息動陽關暗
凝愁繞花鐘鼓朱深碧淺一幅可憐春休進酒與
調箏只結同心縷

惜奴嬌

離情

用史邦卿韻

無賴鸚哥誰遣喚花枝醒闌干外愁潮恨嶺一步
妝臺受不起加餐信風靜深簾櫳回頭小影 有

限天涯載得了垂楊病銷魂牒權時拜領說謊高
唐可好託春衾性難聽長嘆與清鉦乍並

西江月 渡江作

箭打亂潮柔櫓鴉翻古渡青旗春江玉雪鑿鬚眉
俊眼相看似此長劍錦驄香夢寶釵鈿瑟男兒
人言無淚灑離時不稱英雄雄淚耳

十二時

浦口寄憶

用柳耆卿秋夜韻

隔江樓月湧銀濤偏是紅綿難洗正絮撲棠舷星
稀蕙幄慙慙花氣中酒心期垂簾時候旅館疎燈
起殘堞外一片荒鷄一半畫笳吹到孤眠人耳

幽夢中重尋後會豈似麝裊同繫笛瘦寶鞍釵斜
玉鏡寸寸含情地別路千萬疊長亭只在望裏
暗忖量藍橋約近略領三生恩意兩字驪歌暫時
南浦豈負濃香被宛轉官柳側終憐好春輕棄

西江月

廣陵寄憶

用史邦卿閨思韻

別怨暗移青鏡春愁倦聽紅牙揚州燈火絳樓紗
不似石頭城下伴我郵亭孤月負他寒食梨花
沒來繇事誤天涯玉笛當風此夜

減字木蘭花

途中寄憶

檀脂鳳帶遠在碧山春草外耳畔低聲恰似蘭闥

念小名 風巾雨屐那許偷窺金粉席只辦銷魂
絮得東風也閉門

薄倖 春明寄憶

粉城春市繫馬慣誰家蕩子別袖裏菱花偷見驀
地錦簾千里照小窓雙蒂銀蟾深憐密喚曾如此
有膩玉輕鉤立雲濃繞芳夢黏人難起 數不盡
同心咒休笑作冶遊驅使怕金鈴聲瘦青驄天遠
倚樓腸斷斜陽裏晚香橫几對真真暗囑情場不
負鸞釵紫鴛裯鳳綬端值龍沙一死

好事近 同前

走馬到章臺閒卻綠窓看筆記得回頭低喚怨柳
梢斜日 倚欄今夕卜歸鴻管取蛛絲吉好夢也
須珍重意中緣難必

風流子 同前

相思明月社推桃燕一代水邊樓憶黛比岫遙花
和人瘦玉圍屈戌珠寫筓篴銷魂別淚如巫峽雨
心逐廣陵舟乳燕幕開錦箋難託蜜蜂房閉香粉
都收 紅窓携纖手雙雙把鴛盟訂在新秋只道
霎時金屋管甚閒愁悵赧生綺陌誰家弄笛露涼
小苑何處藏鈎七夕看看過了夢見還羞

浪淘沙

長安七夕和辰六

壁露乍驚秋月滿西樓江南簫管正悠悠報到天
邊今夜會綵線穿愁薄倖是牽牛會少離稠鵲
槎一夕錦雲收我做牛郎他織女夜夜橋頭

眼兒嬌

即懷

桐洗窓紗葉墜秋翻動一春愁玉鞭酒市醒來斜
月醉裏朱樓柔腸憔悴無人見見即恐花羞試
拋腦後陡來衾底又嵌心頭

浣溪紗

同前

腸斷鴛鴦錦字文一雙疼熱在春分新愁欹枕不

能聞影入菱花畱夕照香凝紈扇憶朝薰玉窓
還肯受殷勤

長相思

同前

惜花期訂花期訴向花愁知未知天憐兩道睂
望中疑夢中疑斗帳檀絲月午時香泥塑蝶癡

又

似多情似無情玉艷心情是怎生春衫記不明
長歌行短歌行多少柔腸擷掇成流鶯只一聲

小重山

同前

一縷春心託杜鵑也防人薄倖靠青天瓊樓真負

鳳簫緣無聊賴劈碎紫鴛絃
送眼落霞邊只愁
深閣裏誤芳年載花那得木蘭船
桃葉路風雨接
幽燕

浪淘沙 同前

翠幃報花來春恨重栽西風吹夢上妝臺
舊夢不
畱新夢遠影裏徘徊
客思遶秋苔鐵馬驚開銀
牀冷落薛濤才細展紅香温麗句一字千猜

浣溪沙 同前

死向雲英一哭休藍橋風露不中愁
勾符明註小
紅樓
青鳥夢長迷繡戶孤鴛塚莫葬芳洲
訴花

難放玉搔頭

念奴嬌 中秋得南鴻喜賦 用東坡中秋韻

遠鴻飛送有傾城玉杵龍綃踪跡小字鴛鴦顛倒
認憑仗晶盤凝碧密約鐫花深嘖謝柳打破春愁
國秋燈分照短長程已親歷
爲想翠管輕籠綠
窻低喚軟欵憐征客迢遞江南天北意佳事恰宜
今夕鈿合香濃鸞臺雲熱狂欲生雙翼水蟾遙共
畫樓人在吹笛

蘭陵王 冬仲奉使出都南轅已至滄州道梗復返 用周美成賦柳韻

戍烽直山外寒雲捲碧香塵道千里繡弧凌亂垂

楊暮烟色鴻飛如異國何況朱顏作客茱萸帶霜
打雨吹瘦損官腰恰盈尺京華旅人跡正草迓
金鞭花暗瑤席五侯鯖好無心食聽白雁風快紫
鸞人遠鈿轅瞥過渭橋驛似天限南北心惻萬
愁積料野館斜暝芳影凄寂回頭鳳闕情何極佇
日麗仙掌柳迴羌笛經年紅淚向錦衾畔宛轉滴
祝英臺近聞暫寓清江浦用辛稼軒春
晚韻
綠烟橫蘭漿渡金犢偃淮浦細草春寒過盡斷腸
雨望中雀扇雲衣温存無據枕邊心關山畱住
莫輕覷柳外無盡長亭朝朝背人數河上雙魚聽

否咒花語更愁香夢來尋重添離處卻也遣病魂
隨去

風中柳

復聞渡江泊京口
情韻

用孫夫人閨

天半峰青遮定玉帷花惱捲珠屏依狀碧草過江
心事罵飛鴻難告問東風可曾知道兩點金焦
看徧淺頰微笑送粉絲春潮漸杳黃昏纔慣信羅
衣寬早又禁得杜鵑聲老

賀新郎

得京口北發信

用史邦卿韻

鶯館安排靜待珠輪逐程屯劄柳旗花令預遣探
香鳥鵲去露灑星橋玉冷可曾見盧家官艇金字

虎頭青鳥印押紅泥遮抹春愁影騎鳳月破烟暝
瑤箱淚疊朱絲賸試芙蓉兩行宮燭對攤芳信
薇雨細操彈事筆温熟低心軟性料錦鯉今番情
定霧縠晴衫深打疊怕秋棠不耐商飈勁因蚤雁
囑君聽

玉女搖仙珮

中秋至都門距南鴻初來適
周歲矣用柳耆卿佳人韻

志喜

青天萬里忽下檀雲送到虬幢鮫綬六代金霞三
春鶯粉拾得有情佳麗便倩秋蟾比怪年年碧海
成雙非易儘疇昔羅裙畫篋無數銷魂見面都已

相逢恰今宵一世團圓花明月媚兼有九霄玉
珮五夜香爐好景安容拋棄斗帳霧濃珠絲絲熱
柳毅龍宮輸美紫幄同心倚任消受南國知名才
藝那忍忘燈前卻扇笛邊沾酒上樓歡意三生誓
玄霜碾入鵲鵲被

念奴嬌

花下小飲時方上書有所論列入
月念五日也用東坡赤壁韻

畫眉餘興晒王章閨閣都無英物北闕浮雲遮望
眼誰作中流鐵壁剪豹天關搏鯨地軸隻字飛霜
雪焚膏相助壯哉兒女人傑投袂太息花前仰
天長笑正酒狂初發赤日金鱗霄漢轉坐見嶽搖

氛滅一葉身輕千峰約在幸少星星髮與君沉醉
玉臺斜過佳月

菩薩蠻

初冬以言事繫獄對月寄懷

冰綃冷織孤烟悄簷濤響壓花鈴小夜色上啼鳥
青燈一壯夫 嬋娟千種意莫照傷時字此夜繡
牀前清光圓未圓

臨江仙

除夕獄中寄憶

不記今爲何夕隔墻鐘鼓催春逞風花草太無因
籠香深病色罷酒得愁身 料是紅閨初掩清眸
不耐羅巾長齋甘伴鷓鴣貧忍將雙鬢事輕報可

憐人

玉燭新

上元獄中寄憶

天街風定後想畫鼓雲繁絳籠星就虎城豹柝輕
烟外逗出銅龍春漏候家錦毯醉不了珠塲花候
誰信道青鬢孤臣今宵雪霜盈袖 依稀燭下屏
前有翠靨綃衣月明安否小眉應鬪恨咫尺不見
背燈人瘦香柔粉秀猛伴得英雄搔首千古意惟
許冰絲平原對繡

萬年歡

春初繫釋

用史邦卿春思韻

一笑東風喜寒梅尚繁香散瑤雪携手花前重見

酒杯豪發鐵石銷磨未盡笑只有風情癡絕生拋
撇瘴戟續裝更央珊枕埋骨而今虎鬚怒歇料
天荒地老比翼難別絡粉調笙還讓引裾人物儘
取頭廳重印肯換卻纖纖霞鞵甘心署錦隊鉗奴
五湖編管烟月

綺羅香

同起自井中賦記

用史邦卿春

弱羽填潮愁鵲帶血凝望宮槐烟暮並命鴛鴦誰
倩藕絲畱住辜杜葯正則懷湘珥瑤碧宓妃橫浦
誤承受司命多情一雙喚轉斷腸路人間兵甲
滿地辛苦蛟龍外前溪難渡壯髮三千黏濕遠山

香嫵憑蝶夢吹恨重生問竹簡殉花何處肯輕負
女史萇弘止耽鶯燕語

石州慢

感春

香閣春添庭院晝長花雨飄灑清明時候輕寒小
熱暗愁盈把呢喃燕子却憎畫棟彫零烏衣閒恨
猶牽惹拍碎玉闌干儘黃鸝描寫游冶禁烟吹
散寶瑟風前紫驕花下何似一燈寒食柴門初打
樓頭柳色望裏青斷天涯絮飛還帶王孫馬解道
莫愁誰只長干人也

望海潮

同前

江山如此年華依舊分明又度春宵銀鴨吐香蓮
銅滴月朱欄瘦拂長條閒倚玉屏腰見鬢雲送嬾
羅襪藏嬌怕被花窺一天風露近藍橋幽情慣
是無聊記青綾寵愛紅研丰標隋苑鶯殘吳宮葉
冷蒼茫昨日今朝清夢轉迢迢望碧天草色烟雨
淒遙無計畱春淚絲偷印美人蕉

蝶戀花

送春

用趙栗夫韻

簾外遊絲飛去了打疊閒愁斷送啼鶯曉一曲畫
闌銀月小玳牀人倦殘春杳生怕金鈴催宿鳥
叫過三更月與花都少斜倚博山幽恨悄雙眉做
就堆煩惱

如夢令

題畫蘭裙子

金縷水沈薰透蛺蝶趁花風瘦整整復斜斜澹墨
妙於濃繡生就生就搖曳一痕紅味

一落索

小窓夜坐

用周美成韻

人影放簾深秀玉鈎風皺篆香銀燭豔成堆全襯
貼凌波瘦清露曲欄陰久歡愁都有唾壺敲斷
五更心無一事姑花柳

又

失路酒狂悲苦目隨雲去等閒畫閣似扁舟單欠

著風和雨 約定滄江烟樹先傳鯉素莫將香粉
笑鴟夷天送與藏身處

滿庭芳

從友人處分得新茗少許以遺閨
子 用山谷韻

箬葉雲籠銀瓶風嫩旅客魂斷鄉關箇儂情重千
里歷風烟憶得春江穀雨薜蘿路早隔仙凡今何
夕輕嘗慢啜紅藥正爛斑 佳人應倦繡青燈小
閣緗軸初翻要親扶香影吹上睂山恰值珠簾半
捲芳磁送幽韻無邊重携手欄花莫睡明月晚粧
前

菩薩蠻

題畫蘭雲肩

春風宛轉朱闌曲吹花直上烟鬟綠芳韻一枝斜
鏡中人是花 纖雲搖更曳襯出芙蓉雪生愛靠
香肩倒言花可憐

小重山

重至金陵

長板橋頭碧浪柔幾年江表夢恰同遊雙蘭又放
小簾鈎流鶯熟暝喚一低頭 花落後庭秋蔣陵
烟樹下有人愁玉簫凭倚賸風流烏衣燕飛入舊
紅樓

滿庭芳

重遊京口

用周美成懷錢塘韻

樓枕層濤屏橫遙翠捲簾多少黃昏西風客到紅

蓼翦江村一派天台舊路金輿送七寶霞裙差僂
伴雲階歎息阮肇不曾聞 墻東諸女伴蒼苔共
踏爭拾香塵爲映花人面常夢題門記得妝臺小
妹看看改芳歲天孫青山外六朝明月畱照綺羅
春

西江月

春日湖上

用秋岳韻

晴日花邊簫鼓春人畫裏樓臺鴟夷烟漿碧天開
不記鳴笳絕塞 歲月頻銷濁酒風波不到蒼苔
小蘇羅帶柳卿才喜與青山同在

蝶戀花

湖上春雨

用吳修蟾倦繡韻

宛轉珠欄烟共倚薄倦微寒小坐香肩比乍聽曉
鶯啼夢裏海棠又濕鸚哥嘴 柳外蘭橈添漲水
黛淺頰深雨過千峰矣瘦損落花擎不起春來一
味愁而已

清平樂

春情

和吳修蟾韻

淺顰深語疼殺櫻桃雨柳岸人家烟正吐寒食春
陰當午 清波寫影堪憐春人好處難傳便爲花
愁無賴禁他風髻雲鬟

點絳脣

春閨

追和何籀韻

菱鏡堆烟黛螺過午猶慵掃茶蘼開了衣桁楊花

小 識字鸚哥宛轉相排調愁多少玉鈎縈抱羞
見紅蘭老

桃源憶故人

同內人湖舫送春
游春閨韻

用秦少

子規絮夢蘭窓曉哽咽落紅無了今夜斷腸花鳥
春去愁應少 畫欄十二香綿裊吹上白蘋難埽
青髻爲誰催老又是西陵草

虞美人

同前

用秋岳泊京口韻

春光九十原嫌窄閃殺飄零客啼花淚逐水東流
且載銀樽綠髻盡情遊 千山罨畫吹紅霧却改
離亭路長條攀折一番新囑付明年還傍可憐人

臨江仙

同前

用歐陽永叔夏景韻

誰遣封姨吹畫檝晴湖蹴作濤聲輕寒羅袖最分
明催花落盡此別太生生 薄福東君應自悔一
春雲慢風旌雙蛾小皺縠紋平夕陽無賴不管鈿
釵橫

蘇幕遮

同前

用范希文韻

粉香城歌舞地明月今宵偏照雙峰翠一夜碧蟾
涼似水爲送春歸特到紅窓外 五更愁千疊思
對月端詳不許垂楊睡珠箔檀肩長共倚斷鼓零
簫迸入畱春淚

誤佳期

雨後看月

用秋岳舟中韻

雨被綠楊黏駐月戀紅扉乍吐簾香透隙似黃昏
博得當風顧 梧犬吠初星花鴨喧清露明朝草
色太殷勤襯貼凌波步

菩薩蠻

同前

用李太白閨情韻

嵐光倒影金波織洞簫吹散孤雲碧吳越此南樓
遮燈有莫愁 迴廊人小立漏箭催何急送月兩
三程濕鶯低柳亭

浪淘沙

湖樓晚坐

用陳省公山中夏夜

乍雨又微晴山外山青屏風六曲護銀燈供奉筆

牀香一瓣雪淨花明 坐對古先生病裏人清芳
磁碧乳勝金莖小艇春鶯誰度曲添註風情

水調歌頭

述懷

用蘇東坡中秋韻

小住爲佳耳萬事總繇天乞天判與沉醉斷送奈
何年逞日寶刀橫吹入夜清燈疎雨鬢髮暮雲寒
吾老是鄉矣雙袖百花前 倦司馬窮阮籍只高
眠宿醒剛醒又問明月可曾圓長策瓊臺采藥小
隱於陵織履雅操仗君全放眼憑欄久風露正娟
娟

醜奴兒令

五月十四夜湖風酣暢月明如洗繁星
盡斂天水一碧偕內人繫艇于寓樓
下剝菱煮芡小飲達曙人聲旣絕樓臺
燈火周視悄狀惟四山蒼翠時時滴入
杯底千百年西湖今夕始歎爲吾有徘徊
顧戀不謂人世也酒語清恬因口占
四調以紀其事子瞻云何地無月但少
閒人如吾兩人予則謂何地無閒人無
事尋事如吾兩人者未易多得爾

一湖風漾當樓月涼滿人間我與青山冷澹相看

不等閒 藕花社榜疎狂約綠酒朱顏放進嬋娟
今夜紗窓可忍關

又

木蘭掀蕩波光碎人似乘潮何處吹簫輕逐流螢
度畫橋 白鷗睡熟金鈴悄好是蕭條多謝雙高
折簡明宵不用招

又

情癡每與銀蟾約見了銷魂爾許温存領受嫦娥
一笑恩 戲拈梅子橫波打越樣心疼和月須吞
省得濃香不閉門

又

清輝依約雲鬟綠水作菱花蘇小天斜不見畱人
駐晚車 湖山符牒誰能管讓與天涯如此豪華
除卻芳樽一味賒

燭影搖紅

方密之索賦催粧卽用其韻

何來才子自負多情選豔花叢旣眼苛
於冀北效顰桃葉空夢遶乎江南無處
尋愁歌燕市酒人之曲有官割肉慳金
門少婦之緣願得一心合爲雙璧今且
窮搜粉譜恰遇麗姝綰髻相思能誦義

山之句投珠未嫁欣挑客座之琴肴黛
若遠山臉際若芙蓉風流放誕驚絕世
之佳人玉釵掛臣冠羅袖拂臣衣微笑
遷延快上國之公子錦茵角枕良夜未
央白雪幽蘭新歡方洽兼以花杵月拍
並是慧心璧版烏絲時呈纖手搴玉堂
之紅藥比金屋之奇姿可謂勝絕一時
風華千載者矣昔宋玉口多微辭自許
溫柔之祖而其告楚王曰天下之美無
如臣里臣里無如東家之子嘻何隘也

燕趙多佳夙矜名
賢文鴛擇棲未肯匹
凡鳥耳豈必聽子夜
於吳趨載莫愁於
烟艇乃稱雅合哉

一揖芙蓉閒情亂似春雲髮
凌波背立笑無聲學
見生人法此夕歡娛幾許
喚新妝佯羞淺答笑來
好夢總爲今番被他猜殺
宛轉菱花看峰小映
紅潮發香肩生就靠檀郎
睡起還凭榻記取同心
帶子雙雙縮輕綃尺八
畫樓南畔有分鴛鴦預憑
錦札

時予南鴻初至

菩薩蠻

代友人惜別

子規叫破山花血
銀屏香瘦蘭衾熱
芳草約裙齊
濃愁妬馬蹄
前溪從此渡
記取棲烏樹
今夕定何年
人分月恰圓

又

斜陽拗作黃昏雨
天涯就是門前路
莫踏柳絲橋
柔腸一萬條
花愁沾玉擘
迴袂春星下
不惜褪歸期
從頭溫別離

畫堂春

代友人贈所歡

玉芙蓉剪柳絲
看花因解語
頭低闌干約略小腰圍
不爲春歸
睡重惱開鸞鏡
燈昏揉碎烏絲淺

真深妬任嬌癡畢竟憐伊

念奴嬌

和雪堂先生感春

凭欄無賴受東風冷暖瞞人情緒一夕梅魂芳霧
散把酒頻澆黃土露浥金鈴烟籠粉幙似聽醪醖
語啼鵲初瘦月高誰作花主分付弱柳千條小
闌干外替兩眉辛苦薄醉濃香簾幕捲又是流鶯
梳羽玉管橫吹霞綃癡寫怕到酸心處五侯亭館
當年何限歌舞

又

斷魂無那霎時間柳絮蘋花吹合幾點殘紅隨蝶
粉倒罌蛛絲簷角鸚鵡呼來鷓鴣催去恨與晴波
濶斜陽無語半天烟岫寥廓何處麥雨葵風含
桃金碗九十春光惡惆悵江南花落盡玉樹歌聲
重作畫鼓螢流瓊簫人遠野草迷長樂御溝流水
應憐雲髻梳掠

滿庭芳

韋公祠西府海棠數本繁豔甲於京師
春時朝士讌賞不減慈恩牡丹也滄桑
數變而此花不改三月十八日與諸子
社集其下感幸繫之

紅玉籠雲胭脂侵雪兩行顚
豔驚奇乳鶯聲裏香
雨一庭滋繡帶畱仙小立絳霞畔
飄送瓊璣銷魂
處如瞋欲笑狂眼任紛披
珠鈿芳草路憑空十
載拋撇幽姿那堪過天寶再趁花期
落日華清似
夢絃索冷妃子容衰無情甚
東風賣眼看殺爛柯
碁

如夢令

惜春

無處訴花啼柳白袷半沾春酒
芳絮盡情飛惱得
海棠消瘦難受難受說著曉風
眉皺

又

春去晴絲庭院丟下枕痕一綫帶恨
過簾櫳又是
舊年雙燕心顫心顫陡被落紅
瞧見

風流子

社集天慶寺送春

和舒章韻

柔絲牽不住眉尖小一蹙又斜陽問
紅雨灑愁幾
番離別綠蘋漾恨何代蒼茫子規說
麝迷青塚月
珠墮馬嵬粧苔臥錦錢橫拋芳影燕衝
簾蒜偷覷
柔腸前歡真如夢流鶯懶風日枉媚銀塘
擔閣
背花心性淚不成行歎樓空杜牧濃陰乍
滿人分
結綺落粉猶香拈合一春滋味彈出伊涼

踏莎行

送春

用劉伯溫韻

亂綠迷烟殘英墜雨東風不肯畱春住問春尚未
到天涯玉驄只索花邊去 羅襪凝春紅茵沾絮
春歸料是春來處黃鸝強要訴花愁夕陽催上相
思樹

大酺

和秋岳春憶

憶柳如烟烏啼月江左瑯琊何處高樓紅樹裏有
銀箏紈扇與花相妬六代鶯聲三山草色曾記遊
人來否芳裏隨雲散悔東華走馬此行原誤更風
滿敗梧日斜橫笛燕穿飛絮 包胥無一旅看公
等歌舞誇南渡爲問取夷吾違矣祖述何如繡芙

蓉那能頻顧夢逐江流去還懊惱數峰遮住料難
到家山路菱花憐我蕭索長卿非故倩誰百斤買
賦

臨江仙

和雪堂先生韻感懷

一陣催花風似箭小樓昨夜還曾歎撚衣帶暗香
凝此生惟恨恨誰解惜惺惺 楚水吳山渾是夢
羨他行脚孤僧仲宣高處不須登斷魂千古月龕
淚十年燈

南鄉子

同前

槐影落官墻寶瑟瑤笙恨杳茫負了多情簾外燕

昭陽不見臨春鏡裏妝
月地問玄霜
遼后臺邊
鈿粉荒玉漏
不知金井換悲涼
只記長門一樣長

杏花天

題錢舜舉畫華清上馬圖

海棠醉罵東風嬾
兜不上行雲
一片沉香絃索催
春晚珍重紫驪翠扇
問鞦韆馬嵬
驚散偏好殺
三郎不管名花總入傷心傳
怕對錦裱玉面

昭君怨

賦牡丹 用劉後村韻

依舊紅牋綠譜褪
下春風一步國色便欺花也憐
他 小雨雕欄曲圃後
夜冰蟾銀兔花底唱梁州
疊成愁

又 賦本題

玉笛黃沙風韻彈亂琵琶
舊本誰負入宮妃是蛾
睂 烟沒畫圖覲面青塚
芳魂誰見綠鬢不禁吹
塞雲飛

醉落魄

飲遂初芍藥花下

勻朱襯綠碧闌干
瘦繁香束楊妃
卯醉春山蹙
央 託金鈴迴避遊蜂毒
沉香亭北嬌姿
獸明霞籠
定胭脂曲東君著意
悵憐熟舞罷畱仙繡襪當風
蹴

品令

客有以新茗見餉者 用山谷咏茶原韻

小啜過龍餅看香色真清另寒泉玉淨澹烟寫月
乳花微瑩天外金莖記得長卿渴病雁魚程永
落花日多愁境甚風吹到故園一片青山美影有
底相關空傳萬種思省

木蘭花慢

和雪堂先生感懷

鏡中腸斷絕愁萬種不分明正柳憶烏啼雲迷馬
角惆悵前生東風恰吹恨到又酸酸楚楚兩眉橫
怪底檐花如雨杜鵑長是吞聲昭陽粉黛記將
迎翠袖五銖輕忽妻管催霜繁笳沸月好夢難成
休言畫工妝點便淺啼微笑也心驚慙愧紅塵斷

梗負他碧澗香羹

南柯子

端午前一日社集和遂初韻

逝水滄江遠浮雲碧漢流逢時愁上仲宣樓漫說
當年劉表在荊州深把菖蒲殘還膠芥葉舟隔
宵堆怨玉搔頭弔屈湘波何處此淹留

又

同前

亂後憐芳節先期集勝流長安花月酒家樓爲問
幾時絲管徧皇州落日餘橫笛臨風欲棹舟相
看莫只鬪眉頭自昔錦帆龍舸可曾留

望江南

同前

雙調

名士會共泛縷金芽棋局從誰翻黑白文章空自
絢雲霞庾信已無家 佳節到閒日好邀遮荆楚
歲時多感慨秦淮燈火最繁華風物故園賒

又

苔影綠宮雨長槐芽雙燕也知翻玉樹一杯還許
泛流霞醉處且爲家 榴蕊豔狂眼絳雲遮繫夢
管簫新殿脚惱人風露舊宣華明日恨先賒

隔浦蓮近拍

春夜同秋岳作

蘭窓紗黏杏子蝶信梅梢裏一曲青娥瘦牀前銀
月初起赧暈紅綿洗沉檀屑襯煖飛璫指繡針墜
花烟欲動撩人幾許風味江南碧草畫出捲簾
情事華燭金尊漫徙倚無數閒愁如此春水

東風第一枝

同前

鳳瑄排烟鵝笙沸月歲華初到街鼓柳絲約定歡
期華信吹開恨處今宵酒醜又勾引蝶翻蜂聚近
小窓紅雨生生做作一簾芳霧 飛豔縷紫絨偷
度挑錦字玉麟舊侶遠山千疊銷魂畫屏一聯繡
句旗亭蕊榜訝批抹雙鬢何據趁好春安頓心情
莫遣少年空去

浪淘沙

春夜同秋岳小飲

銀燭照柔心欲醉還禁珊瑚鈎小掛春陰悵煖多情
簾外月玉漏宵沉鴉語帶宮音柳色搖金沈
郎銷瘦舊時嗔辜負醅釀真薄倖瞥眼花深

雨中花

殘梅同秋岳作

半捻銀梨雲乍瘦一帶碧欄風欲皺問月似芳魂
池憐春影可記橫斜候幽磬押簾燈火後霞帳
薄寒香透漸花怯籠屏人慵倚笛打疊風光漏

掃花遊

元夕同秋岳作于無外邸中用周美成韻

絳霞萬疊照曲巷斜欄黛峰橫楚遠香幾縷襯金
蟲紫鳳雅歌妙舞一帶銀紗惹霧瓊梅散雨踏花
去問取玉人春色來處人醉花不許又走馬星
橋翠鈿爭路畫堂列俎趁芳宵好客發抒情素報
道鸞簫吹斷天孫舊苦漫停佇正高樓數聲譙鼓

望江南

戲和秋岳雙調

華燈畔春眼溜微波小閣名香籠繡帶畫簾人影
似輕羅妙處不須多癡蛺蝶生就繞織蛾玉碾
蟾蜍天上夢風憐翡翠座中歌多事憶鸞鞦

滿江紅

爲孫秋我新納姬人催妝和韻

粉井香天笑惟許何郎竊近翠亭亭菱銅斜倚撲
堆可憎玳瑁衙排花仗擁鴛鴦牒押紅泥觀靠雕

欄活現海棠絲東風幸
遮不穩將燈倩兒不起
羞人問乍流蘇蟾子雙吹檀暈犀帖燕衝蘭夢小
銀瓶麝裏薇漿嫩笑玉人幾許未銷魂從今定

念奴嬌

和寄秋我

流烟迴雪睨晴波一楫蘭橈春色雙好天狀都道
是公瑾小喬無別故國樓臺江南鈿粉往事成悲
咽銀鐙芳醕半窓梅蕊初折最恨乍見還離踏
歌携手袍袖霜猶熱料得空山風雨夕繡出愁香
千結客住三峰雲來五朶恰值花時節夢中吹送
舞風楊柳殘月

高陽臺

和秀公爲張維則催妝

桂粉堆牀銀泥襯屨芙蓉一笑偏親黛寫遙山多
情京兆知名花如百和星前語便倚風天上難聞
好粧成夫婿前頭莫問傍人當年鵲渡天孫正
九微畫燭雙袖宮雲豔事誰家重看寶珞裝輪曲
江柳綫章臺月錦步圍肯負青春願金閨長記盟
言繫繫羅裙

燭影搖紅

吳門元夜值雨

和張材甫上

花信爭傳玉鈞草色寒猶淺雨絲風片帶紅愁誰
記張燈宴粉霧檀雲暗捲伴名香銀梅小苑畫橋

烟暝酒市人歸寂寥絃管
金翠吳宮燭龍幾照
朱門換青驄
紈扇憶長安人醉雕闌遠十里香塵
不斷惜流年歡長漏短月迷江館客散旗亭一行
春雁

青玉案

虎丘踏月

用賀方回春暮韻

金閨個是逃香路又月底移船去風定石坪笙管
度吳王虹劔貞娘珠粉兒女英雄處
草痕短簿
荒祠暮入望寒山夜鐘句自負多情天應許要離
年送館娃人去一陣催花雨

薄倖

秋岳將以病去湖上畱飲寓齋命製此詞卽用其題壁舊韻

碧簾風綰度早燕花橋月棧喜賽酒歌樓人在共
試錦燈春眼倚曉欄銷瘦腰圍晴湖十里空絲管
恨鳳珮星遙
玫箏屏隔不耐啼鶯冷暖
看麝粉
經行處調馬路綺羅飄散待青迴雙鬢香添半臂
片帆吹送吳趨緩聚稀歡短勸烟筇彩纜多情莫
負金樽滿江頭鼓角惱亂秦臺楚館

滿江紅

拜岳鄂王墓敬和原韻

鐵騎春寒英雄恨何時始歇對萬古日飛潮射抗
忠比烈玉劔氣橫南渡水靈旗夜捲朱仙月念青
衣毳帳是何人關情切
金牌憤風波雪社稷事

東窓滅歎一堆黃土河山頓缺五國冰長封馬角
九天雨又吹龍血憶當年壯髮怒雲高搖雙闕

又

拜于忠肅公墓

用岳鄂王韻

萬里神州當公世三光幾歇奉社稷仰迴天步義
聲霆烈翠輦不移螭陛草丹心長照龍堆月置死
生成敗付蒼穹孤忠切 弓身恨須臾雪徐石輩
紛紜滅視大名諸葛旂常無缺策定抗辭靈武賞
事完補灑攀車血使非公毋論奪門功誰陵闕

滿庭芳

雨中花歎

和吳修蟾韻

綠翦裙腰紅銷睂暈恰聽鶯轉空堦海棠愁重羅
幄暫徘徊那更簾鈎燭午銷魂雨陡地驚摧無聊
甚年年花語多半怨春來 長生私誓後當風羯
鼓燕惱蜂猜問亭亭香影埽盡還開竟似離雲萬
疊南浦約經歲纔回殷勤囑朱樓意懶無力踏青
苔

鎖寒窓

聞子規

用周美成寒食韻

幔捲紅樓蘭缸寫影玉蟾窺戶枝頭一派送到落
花風雨對青山淚珠暗拋斷魂說向天涯語爲個
人憔悴絲絲蓬鬢十年軍旅 春暮牽衣處有柳
外鷓鴣雙桑間馬五湖光激灑供奉鶯儔鴛侶憶故

園寒食清明紫驪碧草依舊否怕人歸滿眼斜陽
畫角圍芳俎

阮郎歸

春去

用史邦卿韻

垂楊醉軟紫絲鞭隔橋芳草烟送春淚灑落紅邊
鶯愁五十絃 雙鬢事兩湖綠東風又一年當歌
莫奏斷腸篇而今怕可憐

點絳脣

詠草

和林和靖韻

簾外河橋綠圍裙帶無人主繡鞦行處踏碎梨花
雨 目送春山南浦烟光暮牽春去柔腸無數蘇
小門前路

水龍吟

爲內弟介至壽

用辛稼軒韻

繡弧懸在當門石麟錦璨徐郎手丹山躍彩天閑
馳駿駟閭增舊叔寶神清終軍年妙名場推首羨
朱纓五珥龍文虎脊青雲器人能否 滿目烽橫
刁斗眺中原難眠清晝男兒事業紅旗黃紙絕塵
而走簡點秋螢讀書彈劔且停花酒願時平一老
婆娑澗石更爲君壽

杏花天

送春前一日湖上泛舟卽事

用

紫蘭香重圍青粉倩柳線彈開酒暈明蟾恰與珠
樓近行到紅橋又隱 湖山放浩歌狂飲呆宋玉

逢花嬾問春風不管羅衫恨明日流鶯欲盡

念奴嬌

和吳修蟾雨中春恨

薄寒吹酒中春愁兩點珊鈎看合樓外濃陰飄遠
岫遮斷芙蓉屏脚玉雁風低金猊枕瘦放下丁香
幕爲花長歎烟林一片空廓眼見飛絮遊絲殷
勤相傍軟到鞦韆索爭悵佳時容易度誰信慳慳
芳閣夢淺無痕憐深似病雪打梨雲惡關情如許
莫教燕子偷覺

惜餘春慢

追春

用吳修蟾餞春韻

綠幃縫愁紅泥埋恨盡是東風花草晴翻麥雉雨

開桑鳩誰記畫樓鶯曉當日株移永豐三楚腰肢
入宮纖小到如今香雪飄零何處玉驄稀少看
不上明月無情鳳簫金管冷覩黃昏新惱胭脂井
畔燕子樓頭一片粉灰珠掃青帝拋人幾時潘鬢
沈園年年空老尚癡心春在平蕪央取亂峰遮繞

齊天樂

初夏湖樓看雨

用史邦卿湖上

烟橈一點如鷗小衝散碧波來去蝶老韓憑花辭
謝豹丟下惱人春雨青螺幾許儘鏡暝屏遮夢迷
遙渚一半樓臺酒旗低捲畫中樹依然寒食院
落柳塘蛙鼓畔榆錢青聚乍改輕衫還熏密坐猜

殺雙棲紅羽雲連繡柱任門外蕪香屐痕多阻青
絕空濛驗前人好語

醉蓬萊

爲仲弟孝緒壽

用葉少蘊上巳

快花前樽滿十里笙簫畫船來去追數流光歎年
年征旅雁塞蛟宮越旗江火隔對牀風雨亂後重
逢篝燈如夢客懷難語散騎身強士龍名重天
海行藏肯同繞絮舞榭徵歌笑絳馨何處去國雄
姿憑高青眼漸斗橫銀浦白首相看丹霄過我更
拈吟句

醜奴兒令

西陵弔蘇小二調

油車寶馬春風路天付多情小是花名占住西陵
柳絮城幽蘭泣露吹羅帶月與身輕芳草還生
薄倖斜陽看喚卿

又

櫻桃風熟青梅老雪打蘋香春去橫塘不憶當年
也斷腸六朝環珮芳烟散瘦了鴛鴦人代淒涼
紅粉英雄哭一場

天仙子

追和小青

劔戟橫排脂粉塞鸞鳳死償鷄鶩債剪紅一寸石
榴刀金翠塚埋香快白蝶紫烟蓮露吟才子單

傳鸚鵡派碎玉猶存蘭蕙槩人間薄命是聰明憐
也在憎也在彩筆難容雙錦帶

望海潮

過錢武肅王祠樓弔孫吳韻

用秋岳坐黃鶴

銀濤喧鼓銅牙披韞雄開王氣之先虎步鳳巒鷹
揚蜃國登時擁上凌烟冠劔錦山傳有金符玉册
踵武英賢吳越高門尉陀臺接鷓鴣前千秋舞
榭歌筵賴麾江指海勇敢秦鞭餘耳韓彭紛紛灰
燼曾聞偉伐歸然風景逐時遷頓鼉潮息泐良嶽
輸燕公等無如空言南渡是何年

琵琶仙

弔白舍人蘇學士亭志懷韻

用秋岳琵琶

絕代西家風流容二老柳堤花榭管領公事湖山
芳晨並良夜開柘鼓雲裳雪面似樊素小蠻初嫁
鵲尾團香螭頭會食高韻天假際昇平金紫神
仙兩朝人捲合清狂社冷眼江峰又飽覩銀戈紅
帕飛絮恨青驄莫繫羅扇淚哀松同瀉試呼公一
片嗟魂夕陽之下

驀山溪

登吳山弔伍子胥渡韻

用秋岳烏江

銀戈白馬跌宕人豪意歌扇縷金裙粉軍容江東
絕技水犀甲士不上采蓮船雄略燼老臣殂一劔
西風淚吳簫楚墓鍊就冰霜器郢樹蠹青天違

君父豈同兒戲倒行鳴怨七尺等浮雲生有爲死
何難濺血非讒忌

滿江紅

弔林和靖先生墓

用呂居仁幽

薇圃芝岑分幽派孤山一曲碧亂剪此鄉如畫鶴
天梅屋度閣松雲吹午飯繞溪香雪飄寒玉恣登
臨信宿輒忘歸苔堦綠無官職東籬菊有主客
王猷竹竟廉花立柳澗林無辱西禪東封何限事
灌園賣藥生涯足我欲扶殘醉訪高墳春鷗熟

齊天樂

湖上午日

用吳修蟾和周美成

遠峰吹散雕闌雨遊人畫橋三五彩鷓風高繡旗

日麗又弔一年湘楚釵符綴虎也嬌小窺簾笑低
金縷如此湖山半分歌吹送重午樽前初拭醉
眼問靈均去後與誰終古屏枕薌潮扇搖玉雪同
賦采蘭新句菱舟曲度漸棹入荷心月痕畱處願
趁佳時普天銷戰鼓

賀新郎

同前

追和劉潛夫端午韻

銀篆香雲吐晝偏長碧梧庭院玉肌無暑羸得青
山安穩在何處爭龍鬪虎恰畫艇一雙飛渡多少
繁華風絮盡笑幾時重起新簫鼓身未老待歌舞
西陵花月應相許喚深情大蘇蘇小對澆芳醕

萬事不如杯共把請看離宮麥黍空滿眼鴟夷濤
怒漁父當年非憤俗果孤清歎醒人徒苦吾醉矣
莫懷古

滿庭芳

孝積弟生辰燕集

明月故鄉白頭兄弟歡場又是離筵黃花紫蟹風
物自年年四壁圖書瀟灑那更說問舍求田坐中
客連車結駟千里誦豪賢吾衰今已甚芳樽翠
袖牽率周旋笑侯封相印不換詩篇讓汝青雲事
業烏衣巷簪笏盈前還相約五湖烟水妻子鹿門
仙

採桑子

贈徐木干

韋曲城南天尺五花底春星玉笛微停唱到銷魂
不忍聽並肩一刻濃香坐消受娉婷分付流螢
莫遣銀燈近畫屏

菩薩蠻

七夕飲慈仁寺松下

誰家樓上穿針巧鵲橋吐出冰蟾小腸斷隔年秋
西風人白頭銷磨兒女淚只有逢場醉不敢向
雙星流螢記畫屏

西江月

賀陳郎新婚

十里春風人面二分明月揚州玉簫吹徹小紅樓

拭汗粉巾香透 錦瑟華年相倚青驄油壁同游
芙蓉初月照樓頭蓮子從今得耦

念奴嬌

中秋和其年

霜新葉老乍天街湧出嬋娟孤月烏鵲繞枝棲不定
萬里關山一髮蕩婦羅帷征人鐵騎搗練聲偏切
瑤堦露冷流螢紈扇飛歇 恰遇揮塵雄才吹笙
小史暫遣煩憂豁城角射鵬沙陣陣催到臨渝
早雪金粟含香銀蟾愛影玉斧休輕折百年此夜
相逢不醉癡絕

沁園春

讀烏絲集次曹顧菴王西樵阮亭韻

烟月江東文采風流曠代遇之恰臨春瓊樹家稱
叔寶黃初金枕人是陳思如此才名坐君牀上我
拜低頭竟不辭多情甚倩花間錦筆描畫崔徽
餐霞吐玉霏霏任拍遍闌干絕調稀更雨鈴風笛
傷心綺麗雲鬢霧鬢過眼權奇簾閣香濃市樓酒
罷錯落明珠萬斛飛須記取有曲江紅袖圍繞畱
題

又

彼美何其繡口檀心婉變清揚怪鬚髯如戟偏成
娥媚文章似海轉益蒼茫玳瑁爲簪珊瑚作架十

五城償價未昂朱絃發聽短歌日短長恨情長
無端雪涕歡場儘潦倒荒迷事不妨勝流黃思婦
鴛機組織從軍蕩子馬稍騰翔有託而逃是鄉可
老粉黛英雄總斷腸君試問問癡人濟濟誰似矜
羊

又

髯且無歸縱飲新豐歌呼拍張記東都門第賜書
仍在西州姓字複壁同藏萬事滄桑五陵花月闌
入誰家俠少場相憐處是君袍未錦我髻先霜
秋城鼓角悲涼暫握手他鄉似故鄉況竹林賓從

烟霞接軫雲間伯仲宛雒褰裳煖玉燕姬酒錢夜
數縮髻風能障綠楊聞此闕恐清平絲管爛醉沉
香

前調

再和其年

若爲吾歌吾復爲君軒乎舞之悵天涯香草魂銷
欲別江南紅豆淚裏相思殘葉西風征鴻故國神
武之剋我亦辭偕往耳肯佳人遠道夢想桂徽
才華雪艷烟霏笑世上無多天上稀總狂餘故態
嶽寄歷落情鍾我輩輪困離奇入手扁舟稱心鰕
菜但說招携色已飛遊倦矣卻銅籤夜漏響徹璇

題

又

君勿過河濁浪滔滔魚龍奮揚乍城頭吹角秋陰
蕭瑟橋邊問渡烟柳冥茫珠樹三枝銀缸一穗醉
裏鄉心低復昂憑夜話較青山紫閣何計爲長
偶然遊戲逢場有惡客衝泥興也妨羨人如初日
芙蓉掩映門開今雨裙屐迴翔此客殊佳吾衰已
甚安用車輪更轉腸相勸取且酒寬嵇阮花駐求
羊

又

文士何如不數紛紛材官蹶張縱通侯棨戟烏衣
零落凌雲詞賦狗監摧藏清吹西園錦箏北里驚
坐人來一擅場還抖擻儘新沙似雪古月如霜
哀絲譜出伊涼快挾彈鳴鞭趙李鄉更雙鬟捧出
春風羌笛九天吹下霧縠霞裳法護僧彌紫囊玉
塵大小兒呼孔與楊高詠罷似明璣翠羽掃後猶
香

賀新郎

和其年秋夜旅懷

玉笛西風發送賓鴻一城砧杵千門宮闕秋滿桑
乾沙岸曲曲曲蘆花飛雪又報到今番圓月羈宦

薄遊俱失意，詫長楸衣馬多。如髮空刺促，錐刀末
小山叢桂難攀折，眼中過紛紛。項領汝曹何物
只有窮交堪對酒，況是江東人傑。任夜夜蘭缸明
滅，作達狂歌。吾事足問人生幾斗，荆高血行樂耳
苦無益。

又

彩筆龍拏攫，歎才人半肩書劍。新豐棲托，濯足須
教傾斗酒，詎必南榮企腳喜。大雅于今重作老矣
吾慙鞭弭役，讓英游壁壘。驚河朔，悉敝賦供君索
招邀浪說平津閣，但清宵秋燈相勸，秋花相酢
雙手持螯兼持酒，一笑世情雲薄。造物者因何搖
落，便使珠喉能宛轉。怕捲簾明月，今非昨，聊試聽
塞笳樂。

又

其年將發秋夜集西堂

一曲驪歌發，正秋宵露寒金井。星疎瑤闕，江上青
楓如有約，夜半落潮如雪。畱不住，故人明月自是
五湖烟水好，笑東華塵土埋黃髮。路最怕羊腸末
唾壺如意，應敲折古今來英雄兒女，都爲情物
孤憤信陵遊戲事，畢竟千人之傑。看轉眼烟雲變
滅，萬事不如歸計穩。聽杜鵑枝上三更血，寧買菜

更求益

菩薩蠻

摩訶菴杏花下有感爲韶九作

蔚藍一片山初染
粉紅花底看人面
玉笛怕花飛
花開人莫歸
當時花下客
把酒斜陽立
今日對
斜陽與花同斷腸

滿江紅

和緯雲見贈二調

伯仲齊名論著作
吾當束手六代後
江左情文飛
花拂柳貂蟬竟
賸青氈債鷓鴣
莫貰成都酒
慨秦川公子正飄蓬
無林藪五絲錦
冰蠶繡五鳳閣
丹霞構見堵墻落
筆頓傾朝右銀漢
已過蟾兔夕

玉河甫歇蛟龍鬪
但除君借飲復借歌
三緘口

又

牋擘芙蓉略點染
粉堆金簇彷彿是雁排
錦柱龍吟豪竹長嘯不除湖海氣
清談自帶烟霞福
有東風寒食漢宮詩
金閨讀花前飲人如玉星下醉
天爲燭高歌吾老矣
空摩雙目誰信倚風巴里調
換來一斛珍珠曲
倩火攻奇策更先登
難兄續

菩薩蠻

同韶九西郊馮氏園看海棠


年年歲歲花間坐
今來卻向花邊臥
臥倚壁人肩
人花並可憐
輕陰風日好
葢吐紅珠小
醉插帽

簷斜更憐人勝花

又

錦香陣陣摧春急舊花又似新相識
紈扇一聲歌流鶯爭不多
紫絲圍步履小立朱樓側
簾外鬪腰身垂楊軟學人

跋



康熙壬子梅花開日過玉磬山房宋旣庵先生
手授合肥尚書香嚴齋三十二芙蓉詞一卷
命鈔劾授懋之役既卒業迴環洛誦喜謂
周秦漢生私念尚書詩歌古文各有專集豈

